

10 juli 2008.

Nalunaarut nr. 783.

Ingerlatsivinni, naalagaaffiup aktieselskabiutaanut malittarisassanik atuisuni, pigineqataassutit ilaannik pigisaqartarnej pillugu aamma ingerlatsivinniit taamaattuniit nalunaarutinik nassiussisarnej tamanullu saqqummiussisarnej pillugit Kalaallit Nunaannut nalunaarut

Aktieselskabit pillugit inatsimmi, Kalaallit Nunaannut kunngip peqqussutaatigut nr. 620-kkut 23. juni 2008-meersukkut atortuulersinneqarsimasumi, §§ 28 d, 157 c aamma § 161, imm. 5 naapertorlugit aalajangersarneqarpoq:

*Ingerlatsivinni, naalagaaffiup aktieselskabiutaanut malittarisassanik atuisuni, pigineqataassutit ilaasa naatsorsorneqartarnerat*

§ 1. Ingerlatsivinni naalagaaffiup aktieselskabiutaanut malittarisassanik atuisuni, aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, § 28 a, imm. 1 malillugu pigisanik naatsorsuinermi ilanngullugit naatsorsorneqassapput:

- 1) pigineqataassutit, pineqartup nammineq pigisai,
- 2) pigineqataassutit, taakkua tunngavigalugit taasisinnaatitaaneq allat namminneq atiminni atorsinnaasaat pineqartup akiligassaanik,
- 3) pigineqataassutit, taakkua tunngavigalugit taasisinnaatitaalluni sullivik, aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, § 2, imm. 2-mi, tak.imm. 4 aamma 5, taaneqartutut attaveqarfiginninnermigut taakkuninnga nakkutiginnittoq,
- 4) pigineqataassutit, taakkua tunngavigalugit taasisinnaatitaallutik allat, pineqartup allakkatigut isumaqatigiissuteqarfigisimasai, isumaqatigiissummi illuatungeriit pisussaaffilerneqarlutik taasisinnaatitaanermik aqqiussuseqatigiillutik atuinikkut ingerlatsivimmik ingerlatsineq pillugu ataatsimut politikkimik siunissaq ungasinnerusoq eqqarsaatigalugu ingerlatsisoqassasoq,
- 5) pigineqataassutit, taakkua tunngavigalugit taasisinnaatitaaneq pineqartup imaluunniit sulliviup taassuma nakkutigisaa, tak. nr. 3, allanut utaqqiisaasumik aamma allakkatigut isumaqatigiissuteqarnikkut akiliuteqartitsilluni tunniussimasaa,
- 6) pigineqataassutit pineqartup qularnaveeqqusiussimasai, taamaattoqassananili qularnaveeqqusiiffigisaq taasisinnaatitaanermik atuisinnaappat tamatuminngalu atuilersaarluni nalunaarpat,
- 7) pigineqataassutit pineqartup qularnaveeqqusiussatut pigisai, taassumalu taasisinnaatitaanermik atugassai aamma tamatuminnga atuilersaarluni nalunaarluni,
- 8) pigineqataassutit, taakkua tunngavigalugit taasisinnaatitaanermik pineqartoq atuisinnaatitaalluni,
- 9) pigineqataassutit, taakkua tunngavigalugit taasisinnaatitaaneq pineqartup imaluunniit allat normuni siuliini taaneqartut allakkatigut isumaqatigiissuteqarneq naapertorlugi namminer-suutigalugu pissarsiarissallugu pisinnaatitaaffigisaat, kiisalu
- 10) pigineqataassutit pineqartumut paaritineqartut, taanna taasisinnaatitaanermik sukkulluunniit atuisinnaatitaatillugu.

*Ingerlatsivinni, naalagaaffiup aktieselskabiutaanut malittarisassanik atuisuni, piginneqataassutit  
ilaannik nalunaaruteqartarnej*

§ 2. Kinaluunniit aktieselskabini nalunaarummi matumani § 1-imi taaneqartuni piginneqataassutininik, aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, § 28, imm. 1-imi taaneqartunik pigisaqartoq imaluunniit pigisaqarunnaartoq ingerlatsivimmuot erniinnaq nalunaaruteqassaaq. Tamatumunnga peqatigitillugu pineqartoq Erhvervs- og Selskabsstyrelsimut tamanna pillugu nalunaaruteqassaaq.

*Imm. 2.* Nalunaarutip imarissavai piginneqataassutillip aqqi tamarmiusut, najugaa imaluunniit sullivimmuot tunngatillugu taassuma sumiiffigisaa, ingerlatsivimmi piginneqataassutit amerlassusaat nalingilu, piginneqataassutit klassini sorlermiinneri pillugit paasissutissat kiisalu suna tunngavigalugu piginneqataassutit naatsorsorneqarnerat pillugu paasissutissat, tak. § 1. Kalaallit Nunaanni Namminersornerullutik Oqartussanut tunngatillugu ressortnimisteriap adressia taaneqassaaq.

*Imm. 3.* Nalunaarut § 1, nr. 4 malillugu piginneqataassutininik pigisaqarnermut tunngassuteqarpat, tamanna isumaqatigiissusioqataasut ilaannit ataatsimit allat tamaasa sinnerlugit nalunaarutigineqassaaq. Nalunaarutip imarissavai isumaqatigiissusioqataasut nalunaaruteqartussaataitanermut killissarititaasunik, aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, § 28, imm. 1-imiittunik, qaangiisimasut tamaasa pillugit immikkut paasissutissat.

*Imm. 4.* §1, nr. 9 malillugu pigisaqarnermik nalunaaruteqarnej piginneqataassutaatillip imm. 1 naapertorlugu nalunaaruteqartussaataitanannaaneranik pisussaajunnaarsitsinngilaq.

*Imm. 5.* Nalunaarutit [www.offentlige-selskaber.dk](http://www.offentlige-selskaber.dk) aqqutigalugu qarasaasiakkut nassiunneqartassapput digitalimik atsiorlugit, taamaattoqassananili Erhvervs- og Selskabsstyrelsi pisuni immikkut ittuni tamanna pillugu immikkut akuersissuteqarsimatillugu. Nassiussisoqartassaaq ullormi pigisaqalerfiusumi imaluunniit piginnittuunerup allannguuteqarfigisaani, tak. § 1.

*Ingerlatsivinnit, naalagaaffiup aktieselskabiutaanut malittarisassanik atuisunniit, nalunaarutininik  
nassiussisarnej*

§ 3. § 1-imi taaneqartuni ingerlatsivinnit nalunaarutit, tak. aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, § 48 i, § 56, imm. 8, § 73, imm. 3, oqaaseqatigiit aappaat, § 75, imm. 3, oqaaseqatigiit aappaat aamma § 157 b, imaqassapput ingerlatsiviup taaguutaa nalunaarsorneqarneranilu normua pillugit paasissutissanik.

*Imm. 2.* Imm. 1 malillugu nalunaarutit [www.offentlige-selskaber.dk](http://www.offentlige-selskaber.dk) aqqutigalugu qarasaasiakkut nassiunneqassapput digitalimik atsiorlugit, taamaattoqassananili Erhvervs- og Selskabsstyrelsi pisuni immikkut ittuni tamanna pillugu immikkut akuersissuteqarsimatillugu.

*Imm. 3.* Aktieselskabit pillugit inatsimmi, Kalaallit Nunaannut kunngip peqqussutaatigut atortuulersinneqarsimasumi, §§ 48 i aamma 157 b malillugit nalunaarutit Erhvervs- og Selskabsstyrelsimut erniinnaq nassiunneqartassapput.

*Imm. 4.* Imm. 3-mi oqaaseq >>erniinnaq<< ima paasineqassaaq:

- 1) ulloq, piginneqataassummik pissarsiffiusoq imaluunniit tunisiviusoq, tak. aktieselskabit pillugit inatsimmi § 48, Kalaallit Nunaannut kunngip peqqussutaatigut atortuulersinneqarsimasoq, imaluunniit
- 2) ulloq, ingerlatsivimmi pissutsit pingaarutillit atuutilerfiat, tak. aktieselskabit pillugit inatsimmi § 157 b, Kalaallit Nunaannut kunngip peqqussutaatigut atortuulersinneqarsimasoq, assersuutigalugu isumaqatigiissusiornissaq pillugu aalajangiivittoqarnerani.

*Nalunaarutininik tamanut saqqummiussineq*

§ 4. Nalunaarutit tiguneqartut Erhvervs- og Selskabsstyrelsen qarasaasiakkut paasissutissiisarfiani erninnaq tamanut saqqummiunneqartassapput. § 3 malillugu nalunaarutit aammattaaq Atuagagdliutini tamanut saqqummiunneqartassapput.

*Imm. 2.* Erhvervs- og Selskabsstyrelsen nalunaarutiniq tamanut saqqummiunneqarsimasunik utertitsinnaavoq, pissutsit pingaarutillit taamaaliornissaq ilalernartippassuk. Utertitsinissamik noqqaassut Erhvervs- og Selskabsstyrelsenit tiguneqarsimassaaq tamanut saqqummiussinnermiit kingusinnerpaamik ullut arfineq marluk qaangiunneranni. Nalunaarummik utertitsisoqassappat ingerlatsivik nutaamik nalunaarusiussaaq, tassanngalu ersersinneqassapput ingerlatsiviup nalunaarut tamanut saqqummiunneqarsimasooq utertissimagaa kiisalu tamatumunnga tunngavilersuutit.

*Akiliisitsissut*

§ 5. § 2 malillugu piginneqataassutit ilaat pillugit pigisaqarnermik nalunaarutiginninngitsoorneq akiliisitsissutaassaaq.

*Atortuulersitsineq*

§ 6. Nalunaarut atortuulersinneqarpoq ulloq 1. august 2008.

*Erhvervs- og Selskabsstyrelsen. Ulloq 10. juli 2008*

OLE BLÖNDAL

/Grethe Krogh Jensen